

TERTIA figura secundam administrationis ordine subsequitur, ac humiliorem omenti membranam a superiori diuulsam laceratamque gerit, ac superior quidem super thoracis anteriora et uentericulum quoque extensa est. Dein uenterculus etiam uisum ad pectus ex sua sede tractus uisitur, ut humilioris omenti membranæ natura in conspectum per opportune ueniret: quam eousque intestinis adhuc obducta cernis, quousque omentum subinde sursum sinistrorsumque collectum dissecantibus occurrit. Præterea in præsentī figura intestinorum situs inturbatus iacet, uti et lien quoque, cuius pars hic etiam oculis subijcitur.

K.L. **M.N.** et **O** eadem hic atque in secunda figura notantur. nam **K** indicat umbilici arteriam dextram, **L** uero sinistram. **M** meatum, quo foetus urina in secundum ipsius inuolucrum excernitur, quique hic, ut et arteria, abtruncatus conspicitur. Cæterum **N** uesicam notat: **O** autem peritonæi cum anteriori uesicæ sede connexum. Atque in hac figura peritonæi angulos, qui secunda figura **A, B, C** et **D** insigniti erant, rescuimus.

a, a Superioris membranæ omenti, quam et aliam superiorem nonnulli appellant, posterior sedes, qua inferiorem membranam integro adhuc omento spectat.


b, b Extuberans hæc sedes uenterculus est, superiori membranæ omenti tectus.

c, c Omenti humilior membranæ, quæ nonnullis humilior ala nuncupatur. Cæterum extuberans pars, cui duo superiora **c** et **c** inscribuntur, colum est intestinum, quæ uenterculi exporrigitur fundo, ac inferiori membranæ omenti, uice mesenterij utitur.

d Hic lien et si omento obducitur, protuberans sese ostendit, ad quod etiam pellucida omenti inueniat substantia.

Inferior omenti membranæ hic modo quæ uenterculo subijcitur, quampluribus notanda erat characteribus: uerum quò minus illam characterum copia obliterarem, eos in subsequenti figura ponendos duxi, præcipue quum leui opera lector eosdem characteres utrisque figuris inibi adhibitos fingere possit, ubi ambæ idem exprimunt.

QUARTA QVINTI LIBRI
FIGURA.



QVAR.

HAC figura omentum suis quibus adnascitur, aut potius a quibus initium ducit, membris liberum, et nulla interim parte diuulsam delineatur, integraque ipsius constructio et præcipue uenarum, articularum et nervorum per ipsum series, et glandulosa corpora ipsi innata comonstrantur. Quam concinne uero omentum sacculo, aut peræ, aut minoribus piscatorum retibus assimilatur, hac quoque figura discitur.

e, e Omenti circulus, seu orificium, quo initium ducit.

f, f Omenti superioris membranæ anterior facies.

g, g Inferioris omenti membranæ anterior facies. at hæc non integra ut superioris membranæ anterior facies hic conspicitur, quum inferioris membranæ sedes tantum in conspectu sit, quæ uenterculo subijcitur, atque ad colon usque intestinum, quæ id uenterculo exporrigitur, pertinet. Reliqua enim inferioris membranæ pars superiori membranæ occultitur.

h, h Tribus his characteribus ad sinistram latus inferioris membranæ omenti positus, omenti constructio insignitur. Nam omenti partem notat membranæ, uenis arterijsque et adipe quoque carentem. uero uasa indicat, **k** autem adeps uasis attensus adnatus uel exprimitur. Atque ut hos characteres hac omni parte reposui, ita etiam quauis ipsius sede eas potuisse collocari, nemo ambigit.

l Venæ portæ caudex quæ ex iecore prodiens inferiori membranæ omenti continetur ac suffulcitur.

m Arteria iecoris cauum et bilis uesiculam petens, nervusque concommitata qui a dextri lateris sexti nervorum cerebri paris nervi ramo, dextri lateris costarum radicibus exporrecto depromitur, ac iecoris cauum bilisque uesiculam adit.

n Principium uenæ inferioris uenterculi orificij posteriorem sedem potissimum accedentis, et arteriam habentis coniugem.

o, o Arteria et uena et nervus secundum superioris omenti membranæ principium, dextræ fundi uenterculi sedi exporrecti.

p, p Illorum uasorum quæ dextræ fundi uenterculi sedi exporriguntur surculi, corpus uenterculi implicantes.

q, q Distorum iam uasorum quæ fundi uenterculi dextræ sedi exporriguntur propagines, in superioris omenti membranam sparsæ.

r Venæ arteriaque duodeno intestino et ieiuni intestini principio exporrectæ, nervulumque socium frequenter admittentes.

s Portæ uenæ in duos truncos bipartitio, quod uero uenas **r** et **o** indicatas hic elatius quam in munda portæ uenæ figura tertij libri quinto capiti dedicata, delineauerimus, in hoc factum putato, quod earum uenarum ortus in hunc modum subinde uariet.

t Dexter seu grandior uenæ portæ truncus, in mesenterium adeoque intestina excurrens.

u Venæ in posteriorem uenterculi sedem citra arteriæ consortium excurrens.

x Venæ cum arteria et nervo in dextram inferioris membranæ omenti sedem sparsa, ac colon quoque intestinum hac parte accedens.

y Venæ simul cum arteria in uenterculi posteriora excurrens, et tandem coronæ ritu superius uenterculi orificium amplectens. uerum huius uenæ arteriaque tanta duntaxat delineatur portio, quantum inferiori membranæ omenti sustinetur.

z Hic nonnihil grandior mesenterij arteria se offert, etiam si minimo interuallo inferiori membranæ omenti suffulciatur.

β Truncus est arteria, quæ inferiori omenti membranæ intertextus, uenterculo, iecori, bilis uesiculæ, colo quæ id uenterculo exporrigitur, ac dein lieni ramos depromit, nervosque has partes aditantes comitat.

γ Venæ simul cum arteria et nervo mediam potissimum sedem subiens inferioris membranæ omenti, et ramos quoque offerens colo intestino quæ ad uenterculi prorepti fundum.

δ Venæ coniugis arteriæ expers, quæ sinistra sedi inferioris omenti membranæ pauculas soboles, ut et ipsa gracilis est, diffundit.

ε Venarum, articularum et nervorum in lienem series.

ζ Venæ pariter cum arteria nervoque uenterculi fundi sinistra sedi exporrectæ.

η, η Glandulosum corpus inferiori membranæ omenti innatum, quod uulgo uocant Brisauolo, Dulcem morsum seu bolum, Buccam saporitam, Rodol.

θ Glandulosi corporis portio, quod duodeno intestino subnascitur.

q 2 SEXTA